



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

Gavanti, Bartolommeo

Venetii, 1647

De Vigilia Natiuitatis Domini. 4.

urn:nbn:de:hbz:466:1-9521

Rubricam commodiorem, qua quinque Feriae compleuntur, & quæ in die S.Thomæ occurunt, in Sabbato collocantur.

6 Tres aliæ Antiphonæ sunt priuilegiatae in his diebus. Prima est, *Expectetur*, quæ semper in Sabbato dicenda est quarto loco (quod & antiqui obseruantur) ut concordet cum Canticu Sabbatino, de quo sumpia est, & bene quadrat Aduentui Domini. Altera est, *Nolite timere*, quæ die 21. Mensis Decembri semper est ponenda, siue sit Festum Sancti Thomæ, siue Dominica; ne enuncietur falsum extra quintum diem ante Nativitatem. Hæc ante Pium V. dicebatur ter cum. *Gloria Patri*, ex instituto Fratrum Minorum, non Romano; & ideò ritus ille fuit abrogatus. Tertia est, *Ecce completa sunt*; quæ ultimo die dicitur ante Vigiliam Nativitatis ex Tabulis Parisiensibus, Radulpho antiquioribus, quas ille citat, & excludit, propos. 16. Congruit autem diei, ut ex verbis eiusdem Antiphonæ constat.

7 Concessit Hispanis Gregor. XIII. ut anticipent prædictas Antiphonas in die 16. Decembris, qua die 17. celebrant Festum Expectationis parrus Beatae Virg. At, quid, quando dies 16. est Dominica? eo anno omittuntur Antiphonæ Feriae 2. ea ratione, quæ in vniuersali Ecclesia omittuntur Antiphonæ illius Feriae, in qua occurrit Festum S.Thomæ, quando Vigilia Nativitatis occurrit in Dominica, cuius Antiphonæ dicuntur in Sabbato.

8 Et quando alicubi contingit reponi has Antiphonas in Feria diuera ab ea, cui sunt assignatae, Antiphona 4. ea erit, quæ conformis est Cantico recitando, sicut prescribitur de Antiphona: *Expectetur*: referuata Sabbato.

De Dominica quarta Aduentus. Cap. III.

I C Oningit non legi in officio, Dominica 4. Euangelium, quod ideo saltem in precedenti Sabbato legitur; puta, quando in hac Dominica occurrit Vi-

gilia Nativitatis, & eo anno omittuntur Antiphonæ ad Laudes, quæ occurunt in die Sancti Thomæ, ut in Sabbato quatuor Temporum ponantur Antiphonæ Dominicæ quartæ, quæ omitti non debent, quod affirmat Microl. cap. 33. & approbat indagator Romanorum Ritu Radulphus propos. 16. qui appellat ibidem supercrescentia ea, quæ habentur in Breuiario post Dominicam 4. quia in breviori tempore Aduentus omittuntur.

2 Et licet in prædicto casu Antiphona quarta Dominicæ omittatur, cuius loco dicitur Antiphona: *Expectetur*: eadem tamen quarto loco resumitur in Vigilia Nativitatis, ne officium huius Dominicæ vel modo pereat.

De Vigilia Nativitatis Domini.

Cap. IV.

I S I Vigilia venerit in Sabbato vice Psalmi, *Iubilate*, in Nocturno, dicitur Psalmus, *Bonum est*; ne ille bis dicitur, ad Matutinum, & Laudes; & neque hic omittatur in officio.

2 Antiphonæ ad Laudes: *Inde, & Ierusalem*, &c. habentur apud Ruperr. lib. 3. cap. 12.

3 Ritus officij à Laudibus est Duplex, non ante annum 1521. in Breuiarij impressis, at erat etiam in antiquis M.S. duplex; & cum Vigilia sit illius Festi, quod est initium salutis nostræ, iure merito, cù exultatione est celebranda. Est igitur officium partim feriale, quia Vigilia est; partim festuum, iuxta illud; *Leuate agit a vestra*, &c. & ut officium Prima sit solemne, in quo est annucianda Nativitas Salvatoris cum solemni Lectione Martyrologij.

4 Legitur Martyrologium cum maiori, quam alijs solemnitate; quæ in re quicunque abundat in ritu suo: illud est communie ferè omnibus, ut genua flectamus excepto lectore, ad ea verba: *In Bethleem Iude, &c.* usque ad ea: *secundum carnem*; ea ratione, quia ad Missam genuflectimus in Symbolo ad ea: *Et incarnatus est*; & in ultimo Euanglio ad ea: *Verbum caro factum*.

Factum est. Humiliato namque Deo, & nos usque ad terram profundius solito humiliari decet. quod & additum est in postrema Martyrologij recognitione.

5 Ad Nonam inclinue desinit Aduentus, & cessat Vers. Angelus Domini, &c.

De Natali Domini. Cap. V.

1 **L**ectiones Isaiae hac nocte leguntur sine titulo; ea forte ratione, quæ Hugo docet lib.2. cap.3. Capitula legi fine titulo, quando scitur Auctor; & Isaia in toto Aduentu lectus est, ita ut pateat eius nomen. Dicerem cum P.Ruiz, iam non per Prophetas, sed in Filio Deum loqui.

2 Responsoria videntur vagari; sed ait Amalar. de Ord. Antiph. cap.15. quem sequitur Gemma lib.3. cap.9. esse Xenia, quæ deferuntur partim Pueru nato, partim Deiparæ. In primo vero Responsoario additur, *Gloria Patri*, in gratiarum actionem de tanto beneficio, Gemma cap.7.

3 In tertio Nocturno multiplicatur, *Alleluia*, ad Antiphonas; quia, ut alias diximus, tertium Nocturnum significat tempus gratia post legem; in quo significari debet latitia per Christum natum nobis communicata, Amalar. lib.4. cap.3. 1.

4 Diuiditur Matutinum à Laudibus, & inter utrumque cantatur Missa, ex Micr. cap.3.4. & Gemma lib.3. cap.10. lib.4. cap.117. qui ritus videtur habuisse ortum post Ordin. Rom. in quo prima Missa celebratur, expletis Vigilijs, id est, Nocturnis, & Matutinis, id est, Laudibus (hoc enim nomine vocabatur Laudes) nisi dicamus suisse peculiarem hunc ritum Cappellæ Pontificiæ, quæ eadem nocte tres Ecclesiæ, S. Marie Maioris, S. Anastasiæ, & S. Petri visitabat, & Missas solemnes celebrabat. quidquid sit, cum Laudes pertineant ad diem portius, quam ad noctem, & prima Missa sit noctis, non diei, congruè prescriptum est, ut ea canteretur ante Laudes, & post Hymnum, *T e Deum*, Gemma d. cap.117. Dixi, Canteur, contra eos, qui volunt posse dici Missam pri-

mam separatim ab officio, & alijs Missis, de nocte, in Oratorijs, & locis priuatis ex quadam deuotione, quæ mihi non probatur, cum ea dicatur in ordine ad Officium noctis inter Matutinum, & laudes cantandas. Vide in 1. Tom. quæ diximus de tribus Missis par. 4. tit.3. num.3. 4. 6.

5 Laudes sequuntur Missam primam de æterna generatione, quæ prius exitit ante omnem creaturam, quæ Deum laudare potuerit, Duran. lib.6. cap.13. & in prima Antiphona quasi choream ducimus, ijs verbis: *Quem vidistis Pastores*, &c. Duran. ibidem, quam Antiphonam non videtur nouisse Amalarius, qui de Ord. Antiph. cap.15. incipit ab ea, *Genuit puerpera Regem*.

6 Prima summo mane dicta, cantatur altera Missa. Antiquiores aliqui ante Primam immedietate post Laudes cantabant secundam Missam, ex Gemma lib.3. cap.11. at S. Antoninus 3. par. Summ. tit.15. cap.6. §. 4. cum Palud. in 4. dist. 13. quest. 2. art. 2. concl. 2. refert de generali consuetudine, Missam secundam ante Primam Horam Canonicam celebrari solitam; nisi eos explicentur cum Francol. de temp. hor. can. 1. par. cap.16. num.6. non loqui de ritu Ecclesiarum Vrbis. Addit ibidem Francol. ideo Primam ante horam consuetam speciali lege recitari, ut Missa secunda in Aurora cantari queat. Neque enim debet unquam Missa cantari sine præparatione Chori ad illam per aliquæ Horam Canonicam, ut ibidem auctor idem fuse probat. & exemplis confirmat. Neque dicas, sufficere Laudes ante Missam secundam; tūm quia non debent diuidi à Nocturnis, nisi quantum Missa prima occupat temporis; quod intercedit, cum sint unica Hora, ut notat Nauard. de Orat. cap.3. num.28. tūm quia à Laudibus ad auroram, in qua secunda Missa cantatur, multum adhuc superest temporis, ut nequeat congruenter sequi secunda Missa. Post Tertiam Horam Missa tercia conuenit cantari, ut in Festis. Nihil est præterea in officio notandum, nisi quod Antiphone in secundis Vesperis, *T ecum principium*, sunt priuilegia-

12